

**ԱՐՄԱՎԻՐԻ ՀԱՅԿԱԿԱՆ ԿԱՂԹԱՎԱՅՐԻ
ԱՌԵՎՏՐԱՆՏԵՑԵՍԱԿԱՆ ԿՅԱՆՔԸ (1839—1914 թթ.)**

Լ. Ա. ՊՈՒՆՅԱՆ

1839 թ. Հյուսիսային Կովկասում, Կուրան գետի ձախ ափին, հիմնվում է ուսահայ գաղթավայրերից մեկը՝ Արմավիրը:

Արևմտյան Կովկասի նվաճման ժամանակ ուսական կառավարությունը, նկատի ունենալով արևմտյան ադիգեյցիների շրջանում ապրող հայ հատվածի (չերքեզահայերի) մատուցած ծառայություններն ու նրանց անհրաժեշտությունը նոր գրաված և զրեթե սնամարդաբնակ երկրամասի բնակեցման գործում, ձեռնարկում է չերքեզահայերի վերաբնակեցումը Կուրանի ուսական սահմաններում: Երկրագործությամբ զբաղվելու նպատակով նորաբնակներին զգալի հողատարածություն է հատկացվում, միաժամանակ միջոցներ են ձեռնարկվում տնտեսության մյուս ճյուղերի և մասնավորապես առևտրի զարգացման համար:

Հյուսիսային Կովկասի հայ գաղթավայրերի շարքում Արմավիրը աչքի է ընկել իր տնտեսական և կուլտուրական ուրույն կյանքով: Այս գաղթօջախը ներքին կառավարման տեսակետից անկախ էր և հանձին գյուղական ժողովի ունեւ իր կառավարչությունը: Ինքնուրույն սկզբունքով է գործել Արմավիրի ժողովրդական դատարանը՝ խարսխված ազգային ավանդական սովորույթների վրա:

Չնայած XIX դարի վերջերին Արմավիրի ժողովրդական դատարանի իրավասության և զբեծունեության շրջանակները նշղացվում են, սակայն ազգային իրավական նորմերով առաջնորդվելու նրա տարրերիչ զծերը առանց կական փոփոխությունների պահպանվում են հետագայում ևս: Արմավիրը մինչև XIX դարի 70-ական թթ. փոստորեն հայաբնակ ավան էր և օգտվում էր իրավաւ վարչակազն ու տնտեսական որոշակի արտադրություններից: Մական դարավերջին արդեն Արմավիրում զերուկշուշը ուս բնակչությունն էր: Փորրիկ համալրումների ճանապարհով արմավիրահայ համայնքը կարողացավ պահպանել իր գոյությունը և իր համեստ լուծան ներդրեց արդեն ուսական քաղաք դարձած Արմավիրի առևտրա-տնտեսական կյանքում: Արմավիրը միանգամից չսկզբնավորվեց որպես քաղաք, այլ հիմնադրման օրվանից սկսած, տարիների ընթացքում աստիճանաբար աճեց, կառուցապատվեց և XX դարի սկզբներին արդեն դարձավ Հյուսիսային Կովկասի բարեկարգ քաղաքներից մեկը: Հայ նշանավոր գրող Ալ. Շիրվանդադեն XX դարի սկզբին Հյուսիսային Կովկասում կատարած ճանապարհորդության ժամանակ այցելում է նաև Արմավիր, որի մասին գրում է. «Այդ ահագին գյուղը իր բնդարձակ փողոցներով, գեղեցիկ տներով և հարուստ մազազիներով կարող է մրցել Կովկասի սմեն մի նահանգական քաղաքի հետ»¹:

¹ Ալ. Շիրվանդադեն, Նամակներ Հյուսիսից, Երկերի ժողովածու, հատ. 9, Երևան, 1961, էջ 89:

Մայր հայրենիքի և մյուս ուսածայ կենտրոնների հետ Արմավիրի ունեցած կապերը վկայում են, որ այս հայ գաղթավայրը սոսկ ինքնամփոփ կյանքով չի ապրել, հայրենիքի և մյուս հայ գաղթօջախների հետ առնչվել է հասարակական-քաղաքական և մշակութային կյանքի տարբեր ոլորտներում: Առավել հատկանշական են եղել կուլտուր-լուսավորական բնույթի առնչությունները: Արմավիրահայ ուսանողության միջոցով հայկական գաղթօջախը կապեր է հաստատել Մոսկվայի Լազարյան ճեմարանի, Թիֆլիսի Ներսիսյան դպրոցի, Էջմիածնի Գևորգյան ճեմարանի և այլ ուսումնական հաստատությունների հետ: Արմավիրի հայ համայնքը հիմնեց հայ դպրոց, հայ թատրոն, դարգացրեց և լայնորեն տարածեց հայկական երգն ու երաժշտությունը:

Արմավիրը հիմնվեց այն ժամանակ, երբ ավարտին էր մոտենում Հյուսիսային Կովկասի վերջնական նվաճումը և ցարական Ռուսաստանի կողմից ամբողջ սրությամբ զրվում էր երկրամասի վերաբնակեցման և տնտեսական կյանքի աշխուժացման հարցը: Նոր երկրամասը բնակեցնելու, այն յուրացնելու և տնտեսական կյանքը աշխուժացնելու գործում կարևոր նշանակություն էր տրվում առաջին հերթին առևտրին, ուստի և ուսական կառավարությունը ամեն կերպ ջանում էր խթանել նրա զարգացմանը: Մեծ ուշադրություն էր դարձվում հատկապես լեռնցիների հետ կատարվող բնամթերային-փոխանակային առևտրին, նրանց ուսական առևտրի ոլորտը ընդգրկելու խնդրին: Տեղացի լեռնաբնակ և ուս ազգաբնակչության միջև առևտրի միջնորդի դերը հիմնականում կատարել են շերքեզահայերը:

Արդեն XV—XVI դդ. Չերքեզիա գաղթած ղրիմահայերը զբաղվել են ինչպես երկրագործությամբ և անասնապահությամբ, այնպես էլ առևտրով: Առևտրի մեջ հմտացած հայերը կապեր են հաստատել ոչ միայն իրենց հայրենակիցների, այլև Հյուսիսային Կովկասի տարբեր շրջանների բնակիչների, իսկ ավելի ուշ՝ նորնախիջևնցիների հետ: Չերքեզահայերը արտահանել են հիմնականում, հում նյութ և ներմուծել մշակված ապրանքներ: Մեծ տեղ է հատկացվել աղի առևտրին, որը շերքեզները ներմուծել են Ղրիմից:

Այսուհանդերձ անդրկուբանյան հայերի առևտուրը մեծ ծավալ ընդունեց միայն Ռուսաստանի կողմից Հյուսիսային Կովկասի գրավման շրջանում: XIX դարի I կեսին վերաբերող պաշտոնական վավերագրերում բազմիցս շեշտվում է այն փաստը, որ շերքեզները տաանց հայերի մասնակցության առևտրական ոչ մի գործարքի մեջ չեն մտնում ուսների հետ, իսկ հայերը, որոնք վաղուց ի վեր սովորեցրել են լեռնցիներին՝ երկրագործական ամբողջ արտադրանքը սպառել իրենց միջնորդությամբ, շարունակում են իրենց ձեռքում պահել տնտեսության այդ ճյուղը²:

Պահպանված արխիվային վավերագրերն ու փաստական այլ նյութերը հաստատում են, որ ուսահայերը եղել են ոչ միայն առևտրականներ, այլև երկրագործներ ու անասնապահներ, հմուտ արհեստավորներ ու արդյունաբերության նախաձեռնողներ: Սա մեկ անգամ ևս հաստատվում է Արմավիրի օրինակով, որտեղ գաղութի բնակչությունը ընդգրկված է եղել տնտեսական կյանքի բոլոր բնագավառներում: Այլ հարց է, որ Արմավիրի հիմնադրման առաջին իսկ օրից, տնտեսական մի շարք ազդակների շնորհիվ, առևտուրը առանցքային տեղ է գրավել գաղութի տնտեսական կյանքում, և հայերը,

² «Акты Кавказской Археографической комиссии» (АКАК), т. VI, ч. II, № 450—451.

ըմբռնելով առևտրի զարգացման լայն հնարավորությունները, զբաղվել են առևտրական գործունեությամբ:

Հայ հատվածի հաստատումը նոր նվաճված երկրամասում մեծապես կնպաստեր մարզում առևտրի և արդյունագործության զարգացմանը: Պարզ է, որ ոռոսական սահմանները տեղափոխված անդրկուբանյան հայերը չէին դադարեցնի իրենց շահավետ առևտուրը լեռնցիների հետ, որը և՛ քաղաքական, և՛ տնտեսական առումով շահավետ էր ոռոսական տեղական իշխանությունների համար:

Եվ, վերջապես, նկատի էր առնվում այն հանգամանքը, որ Արմավիրի հայ համայնքին որոշակի տնտեսական արտոնություններ շնորհելը վարակիչ օրինակ կծառայեր դեռևս լեռներում բնակվող հարուստ հայերի և հույների համար, որոնք Արմավիր կտեղափոխվեին և նրա հետ կկապեին իրենց ողջ գործունեությունը:

Արմավիրի տեղի ընտրության հարցը առևտրա-տնտեսական կյանքի զարգացման հեռանկարային տեսակետից ճիշտ էր կատարված: Մերձլաբինյան շրջանը, որի կենտրոնում տեղավորված էր Արմավիրը, բնակեցված էր կաղականերով և միանգամայն ապահով էր թշնամական հարձակումներից: Շուտով կուբան գետով նավարկություն է սկսվում, իսկ Թեմրյուկում ստեղծվում է առևտրական նավահանգիստ, որը նպաստում է Արմավիրում առևտրի հետագա զարգացմանը:

Սկզբնական շրջանում արմավիրահայերի առևտուրը ունեցել է պարզ փոխանակման բնույթ և հիմնականում կատարվել է շերքեզների հետ: Պահպանված արխիվային փաստաթղթերից մեկում նշվում է, որ Արմավիրի բնակիչները, տիրապետելով շերքեզներին և ծանոթ լինելով լեռնցիների բարքերին ու սովորություններին, շարունակում էին առևտուր անել շերքեզական ցեղերի հետ³: Բնամթերային այդ առևտուրը հիմնականում կատարվում էր Պրոչնի Օկոպի, Բատալայաշինսկի և Ուստ-Լաբինսկի փոխանակման շուկաներում: Լեռնցիները այստեղ էին բերում պատրաստի հագուստներ, գործած ոտնամաններ, գոտիներ, ծոպ (չերք.՝ փափախ), կաճյակ (կաշվե կոշկատակերով), տրեխներ, արծաթով և ոսկով ասեղնազործած սեկե (այծի կաշի) իրեր, տարբեր տեսակի փայտանյութ (շինանյութ), որոնք փոխանակվում էին աղով, կրպակային ապրանքներով, հացահատիկով, մրգերով և այլն⁴: Անասուններ հայ առևտրականները գնում էին տոնավաճառներում, կազակային ստանիցաներում ու շերքեզներից՝ «կարմիր ապրանքի» (շիբղենի) և ոռոսական ֆաբրիկային արտադրանքի հետ փոխանակելու ճանապարհով⁵:

Առաջին խանութները (ավելի շուտ՝ կիսաարհեստավորական և կիսաառևտրական կրպակները) Արմավիրում բացվել են 1841 թ., եբբ կառուցվել է առաջին խանութաշարքը: Խանութներում առևտուր են սկսել մի քանի մանր վաճառականներ, որոնք վաճառել են «կարմիր ապրանք» և «ասիական ապ-

³ Государственный архив Краснодарского края (ГАКК), ф. 774, оп. 1, д. 216, л. 205 об.—207.

⁴ «Военный сборник», 1861, № 3, т. XVIII, էջ 57:

⁵ Ф. А. Щербина, История Армавира и черкесо-гаев, Екатеринбург, 1916, էջ 157:

րսւնք», որոնցից առաջինը բերել են Մտավորականից, իսկ երկրորդը՝ Թիֆլիսից⁶։ Առևտրի առարկա էր դառնում ոչ միայն անասնապահական և մասամբ տեղական արհեստագործական արտադրանքը, այլ նաև առևտրի միջոցով ձեռք բերված ապրանքը։

Արմավիրահայ առևտրականները շեն սահմանափակվել երկրամասի շրջանակներում կատարվող առևտրով։ XIX դարի կեսերին Արմավիր այցելած ցարական մի պաշտոնյայի ղեկուցագրի համաձայն կապիտալ ունեցող և ապրանքներ գնելու նպատակով Ռուսաստանի տոնավաճառները մեկնող արմավիրցի առևտրականների թիվը հասնում էր 15-ի։ Հիշատակվում են նաև 30 առևտրականներ, որոնք ապրանքներ էին գնում տեղում կամ էլ Ստավրոպոլի վաճառականներից⁷։

XIX դարի առաջին կեսին երկրամասի ներքին առևտուրը, հիմնականում, կենտրոնացված էր տոնավաճառներում։ 1842 թ. օգոստոսի 15-ին Կովկասյան մարզի գլխավոր կառավարչին և Կովկասյան գծի ու Ձերնոմորիայի զորքերի հրամանատարին ուղղված կայսերական հրամանով նախատեսվում էր. «Մարզում Կուբան և Լաբա գետերի տարածքում, առևտրի զարգացման նպատակով «Հայկական առևտրում» հիմնել ամենամյա տոնավաճառներ»⁸։ Արմավիրում թույլատրվում էր տոնավաճառներ բացել տարին 2 անգամ՝ գարնանը (մայիսի 1-ին) և աշնանը (սեպտեմբերի վերջին)։ Առևտուրը կատարվում էր ինչպես Արմավիրում և Կուբանի, Լաբայի, Ուրուպի երկայնքով ձգվող կազակային ստանիցաներում, այնպես էլ հարևան նոդայցիների և այլ շերքեզական առուներում։ Առևտրի հիմնական առարկան ռուսական ֆաբրիկաների մանուֆակտուրային արտադրանքն էր։ Վաճառվում էին նաև հում կաշի, բուլդո, կզաքիսի, աղվեսի, նապաստակի մորթիներ, յուղ, մեղրամուս, անտառանյութ և այլն⁹։

Այսպիսով, հիմնադրման առաջին իսկ օրից Արմավիրը ընդգրկվում էր առևտրի ոլորտը։ Կուբանի, Լաբայի և Ուրուպի շրջաններում բնակչության թվի ավելացման, իր աշխարհագրական դիրքի և հայ առևտրականների նկատմամբ ռուսական կառավարության հովանավորող քաղաքականության շնորհիվ Արմավիրը շուտով իր ձեռքում է կենտրոնացնում Կուբանի ձախափնյա շրջանի առևտուրը։

Ուշագրավ է, որ Արմավիրի հայ առևտրականները, ինչպես նշվում է 1859 թ. պաշտոնական մի վավերագրում, շարունակում էին ազատված մնալ ամեն տեսակի վճարումներից, մինչդեռ տեղի ռուս առևտրականները տարեկան վճարում էին 15 արծաթ ռուբլի հարկ¹⁰։

XIX դարի կեսերին Արմավիրը արդեն ներքին առևտրի նշանավոր կենտրոններից էր մարզում։ Ձբավարարվելով տոնավաճառներով, արմավիրահայերը մշտական մանր առևտուր էին անում տեղում, վաճառքի հանելով անասնապահական, երկրագործական, արհեստավորական և մանուֆակտուրային ար-

⁶ Ե. Չարենցի անվ. գրականության և արվեստի թանգարան (ԳԱԽ), Երվ. Շահագիրի ֆոնդ, Ձերբեզիա կամ Ձերբեզիստան և Ձերբեզահայր. 1- 160։

⁷ ГАКК, ф. 774, оп. 1, д. 216, л. 44.

⁸ Центральный Государственный исторический архив СССР (ЦГИА СССР), ф. 1268, оп. 1, д. 623, л. 11.

⁹ ГАКК, ф. 774, оп. 1, д. 216, л. 44 об.—45.

¹⁰ Նույն տեղում, թ. 45։

տառորանք: Երբին առևտուրը կատարվում էր, հիմնականում, կրպակներում ու խանութներում: Արմավիրահայերի պաշտոնական գրություններից մեկում նշվում է. «...ղշինեալ իբր 50 կրպակս մեր զօր ծախեալ եմք զտասն ամեայ վաստակս ու զբրտունս աշխատութեան մեր»¹¹: Թե ներքին առևտուրը ինչ ծավալ է ընդունել Արմավիրում հետագա տարիներին, պարզ երևում է հետևյալ տվյալներից. 1896 թ. Արմավիրում կար 235 կրպակ, 1902 թ. կրպակների թիվը ավելանում է 204-ով, հասնելով 439-ի¹²:

Ավելորդ չէ նշել, որ ներքին առևտրի ոլորտն էր ընդգրկվում ոչ միայն տեղական, այլև վերավաճառման նպատակով տարբեր վայրերից զնված մանուֆակտուրային արտադրանքը: Արմավիրում մանուֆակտուրային առևտուրը դարգացած լինելու մասին ժամանակի հայ մամուլը գրում էր. «Արմավիրի բնիկ առևտրականների մասնագիտությունը մանուֆակտուրի ապրանքի մեջն է ու այս առևտրի ճյուղը այնքան լայն ասպարեղ է բացել, որ արմավիրցի Թորոսյանները, Գասպարյանները, Դավթյանները և Սեֆերյանները և այլք կարելի է ասել հաստատ թե բավականացնում են համարյա ամբողջ Հյուսիսային Կովկասին, վերջապես Արմավիրը այնպես հռչակվել է մանուֆակտուրների ապրանքով, որ ռուսները այժմ նրան կոչում են «маленькая Москва»¹³: Քիչ առաջ անցնելով նշենք, որ արդեն XIX դարի 90-ական թթ. միայն մանուֆակտուրային ապրանքների տարեկան դրամական շրջանառությունը հասնում էր 10 միլիոնի, այն դեպքում, երբ արդուդարդի, երկաթեղենի, կոշկեղենի և նոսրեղենի ապրանքների տարեկան շրջանառությունը միասին վերցրած նույնպես կազմում էր 10 միլիոն ռուբլի¹⁴:

Մանուֆակտուրային ապրանքների հիմնական գնորդները (չհաշված սոսոռումը ներքին շուկայում) հանդիսացել են Հյուսիսային Կովկասի վաճառականները: Նրանք Մոսկվայում, Լոժով կամ այլ վայրերում անհրաժեշտ ապրանք ձեռք բերելու փոխարեն, ավելի ձեռնտու պայմաններով գրնել են Արմավիրում այն մեծահարուստ միջնորդ հայ առևտրականներից. որոնք իրենց ֆիրմաների բաժանմունքներն են ունեցել Մոսկվայում, Վորոնեժում, Տամբովում, Խարկովում և այլուր:

XIX դարի կեսերից Արմավիրում առևտուրը զուրա է դալիս բնատնտեսության նեղ շրջանակներից և ապրանքային բնույթ է ստանում: Կապիտալիստական ապրանքա-դրամային հարաբերությունների ներթափանցման հետևանքով տոնավաճառային առևտուրը աստիճանաբար իր տեղը զիջում է մշտական առևտրին: Երկրամասը ներգրավվում է համառուսական շուկայի մեջ, ձեռք բերելով ավելի առաջնակարգ նշանակություն՝ որպես հումքի աղբյուր և տարանցիկ առևտրի կարևոր շրջան:

1875 թ. Ռոստով-Վլադիկավկազ երկաթուղու կառուցումը մեծ թափ հաղորդեց երկրամասի առևտրա-տնտեսական դարգացմանը: Երկաթուղին, որն անցնում էր Արմավիրով, վերջինս կապում էր ոչ միայն նովորոսիյսկի հարուստ շրջանի և սեծովյան նավահանգիստների, այլև Անդրկովկասի հետ: Ելիսավոր երկաթգծի վրա Արմավիրի հանգուցային դիրքը էապես կանխորոշում էր նրա առավելությունը հարևան մեծ քաղաքների՝ Կրասնոդարի, Ստավ-

¹¹ Մաշտոցի անվ. Մատենադարան, կաթ. դիվան, թղթ. 108, վավ. 402:

¹² ЦГИА СССР, ф. 1276, оп. 2, л. 55, л. 21 об.

¹³ «Մեղու Հայաստանի», 1883, № 28, էջ 2—3:

¹⁴ «Նոր-Դար», 1891, № 163, էջ 2—3:

րոպուլի, Մալկուպի նկատմամբ: Կուբանի մարզի պետ, ղեկավար-լեյտենանտ Լեոնովը 1885 թ. ապրիլի 5-ին Կովկասի գավառային պետին գրած ղեկուցում-գրում հետևյալ կերպ է նկարագրում Արմավիրում առևտրի զարգացման գործում երկաթուղու նշանակությունը. «Արմավիրի միջով Ռոստով-Վլադիկավկազ երկաթուղու անցկացումից սկսած այն (Արմավիրը—Լ. Պ.) սկսել է արագ զարգանալ շնորհիվ եկվոր առևտրական դասի ներհոսքի: Տարբեր տեսակի ապրանքների բարեհաջող արտահանման հետևանքով արդյունաբերությունը և առևտուրը նրանում զգալի առաջադիմել է, այնպես որ Արմավիրը իր առևտրական տեղադրությամբ այժմ ավելի քան կարևոր տեղ է զբաղում Կուբանի մարզում և շատ հավանական է, որ ոչ հեռավոր ապագայում առևտուրն ու արդյունագործությունը նրանում էլ ավելի կծաղկեն ու կամրապընդվեն»¹⁵:

Արմավիրի ներքին և հատկապես արտաքին առևտրի աճը XIX դարի 70—80-ական թթ. կապված էր գյուղատնտեսական երկու կուլտուրաների՝ հացահատիկի և արևածաղկի յուղի արտադրության և արտահանման հետ:

Հացահատիկի զգալի մասը, որ ձեռք էր բերվում հարևան շրջաններից, նախքան արտահանվելը ներքին առևտրի առարկա էր դառնում: XIX դարի վերջերին մարվում արդեն նկատվում էր հացահատիկային տնտեսության արագ զարգացում և հացառատ շրջանում կենտրոնական դիրք զբաղած Արմավիրը դառնում է ապրանքային հացահատիկի կուտակման և փոխանակման կարևոր կենտրոն: Պահպանված տեղեկությունների համաձայն ղեպի Արմավիր հացահատիկային կուլտուրաների մշտական ներհոսք էր կատարվում երկրամասի 22 բնակավայրերից¹⁶: Ստավրոպոլի պետական պալատի կառավարչի արտահայտությամբ, Ռոստով-Վլադիկավկազ երկաթուղուն, հարող շրջանը և հատկապես Արմավիրը Հյուսիսային Կովկասում հացի առևտրի կենտրոնն էր և դրա շնորհիվ աչքի էր ընկնում իր զարգացած առևտրով¹⁷:

XIX դարի վերջին և XX դարի սկզբներին մարզի տնտեսական կյանքում մեծ դեր է սկսում խաղալ նաև արևածաղկի յուղի մշակությունը: 1893 թ. հայազգի Յակով Պոպովը Արմավիրում հիմնում է առաջին յուղահան գործարանը, որտեղ օրական մշակվում էր 400 փուլ արևածաղիկ, երբ մարզի մյուս գործարանները միասին վերցրած մշակում էին ընդամենը 100 փուլ¹⁸: Արդյունաբերական կապիտալը, այսպիսով, իր առաջին քայլերն էր կատարում Արմավիրում: Յա. Պոպովից հետո յուղահան գործարաններ են հիմնում հայ առևտրա-արդյունաբերողներ Ավեդովը, Բաբաևը, Բարոնովը և ուրիշներ: Եթե 1896 թ. Արմավիրում գործում էր 4 յուղահան գործարան, ապա 1902 թ.՝ 9¹⁹: XX դարի սկզբներին Արմավիրը արևածաղկի յուղի արտադրության հիմնական կենտրոնն էր ամբողջ Հյուսիսային Կովկասում, նրա արտադրանքի մեծ մասը արտահանվում էր Ռուսաստանի շուկաները:

Հացահատիկի արտադրության հետ միաժամանակ Արմավիրում զարգանում է ալյուրի արտադրությունը: 1900 թ. Արմավիրում գործում էր 4 ալյուր-

¹⁵ Центральный Государственный исторический архив Грузинской ССР (ЦГИА Груз. ССР), ф. 13, оп. 23, д. 1332, л. 2.

¹⁶ Նույն տեղում, թ. 4:

¹⁷ ЦГИА Груз. ССР, ф. 12, оп. 7, д. 99, л. 21 об.

¹⁸ ГАКК, ф. 1547, оп. 1, д. 1, т. 1, л. 47 об.

¹⁹ ЦГИА СССР, ф. 1276, оп. 2, д. 55, лл. 21 об.—22 об.

ղաց, մեկ շոգեաղաց և երեք ջրաղաց, որոնցից երեքը պատկանում էին հայ արդյունաբերողներին²⁰։ Արմավիրում գործող բոլոր այրաղացների տարեկան շրջանառությունը 1910 թ. անցնում էր 1 միլիոն ռուբլուց²¹։

Այսպիսով, XIX դարի վերջերին Արմավիրի առևտրա-արդյունաբերական հաստատությունների մեջ գերակշռությունը պատկանում էր հացահատիկի և արևածաղկի յուղի արտահանումով զբաղվող ձեռնարկություններին²²։ Այդ ժամանակ Արմավիրը տարեկան արտահանում էր 3 278 104 փութ հացահատիկ, որը կազմում էր մարդի մեբողջ հացահատիկի 75 տոկոսը²³։ 1908 թ. Արմավիրից արտահանվել է 1 500 000 փութ արևածաղկի յուղ և 3 500 000 փութ արևածաղկի քուսպ²⁴։

Արմավիրի հայ առևտրականների գործունեության մեջ զգալի տեղ էր զբաղում նաև բրդի, պոտաշի, անասունների, ինչպես նաև երկրագործական գործիքների, անտառանյութի, երկաթի և մանուֆակտուրային աստիճանների առևտուրը։

Առևտրի տարածմանը զուգընթաց ի հայտ են գալիս առաջին առևտրական ֆիրմաները։ XIX դարի 70-ական թթ. Արմավիրում բացվում են Դասայարյանների, Կուսիկյանների, Պուպովների, Սեֆերյանների, Արտեմովների, Խաչերեսյանների, Դավթյանների, Ղափլանյանների և ուրիշների առևտրական ֆիրմաները²⁵։ Իրենց հարուստ վաճառատներով ու միլիոնների հասնող առևտրական գործարքներով դարի վերջին աչքի են ընկել հայ Տարասովները, Բագրսուկովները, Ավեղովները, Հունանովները և ուրիշներ։

Ներքին և հատկապես արտաքին առևտրի կազմակերպման ու ծավալման գործում զգալի դեր էին կատարում Արմավիրի բաժնետիրական ընկերությունները, որոնք առևտրի և արդյունագործության որևէ ճյուղ իրենց ձեռքում կենտրոնացնելով, հանդես էին գալիս դրանց մոնոպոլ տնօրինությամբ։ XIX դարի վերջին և XX դարի սկզբներին Արմավիրում աչքի էին ընկնում հայ առևտրա-արդյունաբերողների հիմնադրած բաժնետիրական ընկերությունները։ Տարասով եղբայրները 1880 թ. Արմավիրում կազմակերպում են «Տարասով եղբայրների առևտրական տունը», իսկ 1899 թ., ունենալով 3 միլիոն ռուբլի հիմնական կապիտալ, նրանք հանդես են գալիս «Տարասով եղբայրների մանուֆակտուրային ընկերություն» հիմնելու նախագծով²⁶։ Կանոնադրության նախագծում նշվում էր, որ ընկերությունը հիմնվում է Արմավիրում, Եկատերինոդարում, Սիմֆերոպոլում, Աստրախանում, Ստավրոպոլում և կայսրության այլ շրջաններում մանուֆակտուրային և այլ ապրանքների առևտուրը շարունակելու և զարգացնելու նպատակով²⁷։

1905 թ. Ստեփան և Իվան Ավեղովները կազմակերպում են «Ավեղովներ յուղահան գործարանների ընկերությունը»՝ 1 200 000 ռ. հիմնական կապիտալով։ Կանոնադրությունում նշվում էր, որ ընկերությունը հիմնվում է Կուբանի մարզի Եկատերինոդարի և Արմավիրի յուղահան գործարանների ար-

20 Մաշտոցի անվ. Մատենադարան, կաթ. դիվան, թղթ. 237, վավ. 297։

21 ЦГИА СССР, ф. 1276, оп. 19, д. 227, л. 87.

22 Նույն տեղում, оп. 2, д. 109, лл. 63—65.

23 «Кубанский сборник», т. 5, 1899, Екатеринодар, № 8.

24 ЦГИА СССР, ф. 1276, оп. 2, д. 109, лл. 63—65.

25 ԿԱԹ, Երվ. Շահագիրի ֆոնդ, էջ 160։

26 ЦГИА СССР, ф. 1263, оп. 2, д. 5388, лл. 291 об—293.

27 Նույն տեղում, л. 5393, л. 140.

տաղրանքի վաճառահանման նպատակով²⁸։ Նույն նպատակով, Հունանովների նախաձեռնությամբ, 1915 թ. հիմնվում է «Կովկասյան յուղահան գործարանների «Բրունան» բաժնետիրական ընկերությունը»²⁹։

Վերոհիշյալ ընկերությունները իրենց ձեռքում էին կենտրոնացնում ոչ միայն առևտուրը, այլև արտադրությունը։ Հայ առևտրա-արդյունաբերողներին պատկանող «Ախթամար» ընկերությունը իրականացնում էր և՛ օճառի արտադրությունը, և՛ նրա վաճառքը³⁰։ Փաստորեն, առևտրի և արդյունաբերության զարգացմանը զուգընթաց, XIX դարի 80-ական թթ. սկսած Արմավիրում ձևավորվում է հայ առևտրա-արդյունաբերողների խավը։ Մեծահարուստ հայ առևտրականների մի մասը, դիտակցելով արդյունաբերության զարգացման հնարավորություններն ու շահավետությունը, իրենց կապիտալները ներդնում են արդյունաբերության ոլորտը։

Արմավիրահայ համայնքի ծնունդ հանդիսացող և տվյալ միջավայրում զարգացող հայ առևտրա-արդյունաբերողների խավը զգալի դրամական ներդրումներ է կատարել քաղաքի բարեկարգման, տների, խանութների և առևտրա-արդյունաբերական հաստատությունների կառուցման համար³¹։ Նշանակալի գումարներ են տրամադրվել արմավիրահայ համայնքին³², Հ. Բ. Ը. Մ. Արմավիրի մասնաճյուղին, դարասկզբի ազգամիջյան կոիվներից տուժած կովկասահայությունը և այլն³³։ 1911 թ. արմավիրցի Բորոսյան (Տարասով) եղբայրները զգալի գումար են նվիրաբերել էջմիածնի Կեորգյան ճեմարանի ծախսերը հոգալու համար և այլն³⁴։

Մինչև XIX դարի 70—80-ական թթ. Արմավիրում ուս առևտրա-արդյունաբերողների թիվը փոքր էր, իսկ գործունեության շրջանակները՝ սահմանափակ։

Կարավերջին և հատկապես երկաթուղու կառուցումից հետո Արմավիրը ղեպի իրեն է գրավում բազմաթիվ ուս առևտրականների ու արդյունաբերողների, որոնք տեսնելով քաղաքի զարգացման հեռանկարները, այնտեղ են փոխադրում իրենց կապիտալները։ XX դարի 10-ական թթ. ուսական կապիտալը արդեն և՛ շրջանառությամբ, և՛ եկամուտներով բազմիցս զերադանցում էր հայ առևտրա-արդյունաբերողների կապիտալին։ 1911 թ. Արմավիրի ուս բնակչությանը պատկանող առևտրական ձեռնարկությունների թիվը հասնում էր 630-ի, իսկ հայերինը՝ 123-ի։ Առաջինների գրամական շրջանառությունը կազմում էր 24 750 939 ռ.³⁵ 1 099 641 ռ. շահույթով, իսկ հայ առևտրականներինը՝ ընդամենը 6 387 037 ռ.³⁶ 230 633 ռ. շահույթով³⁷։ Փաստորեն, տնտեսական կյանքի առաջընթացը հանգեցնում էր այն բանին, որ ինքնուրույն հանդես եկող հայ առևտրական կապիտալը աստիճանաբար տարրալուծվում էր համառուսական առևտրական կապիտալի մեջ, դառնալով նրա մի մասնիկը։

Արմավիրի առևտրականների կորիզը կազմում էին ներքին առևտրով զբաղվող վաճառականները։ 1909 թ. Արմավիրում հաշվվում էր 557 առև-

²⁸ Նույն տեղում, Ճ. 5769, ձ. 611—613.

²⁹ Նույն տեղում, փ. 23, օղ. 13, Ճ. 323, ձ. 1.

³⁰ ГАКК, փ. 450, օղ. 2, Ճ. 36, ձ. 1—14.

³¹ ЦГИА СССР, փ. 1276, օղ. 2, Ճ. 55, ձ. 22 օճ.

³² ՀԳՊՊԱ, փ. 52, ց. 5, գ. 313, թ. 1.

³³ «Արարատ», 1906, հատ. Գ, էջ 279.

³⁴ «Նոր-Գար», 1902, № 58, էջ 3։ Տե՛ս նաև՝ «Արարատ», 1911, էջ 352.

³⁵ ГАКК, փ. 318, օղ. 2, Ճ. 4067, ձ. 236.

տրական: Դրանցից 252-ը հայեր էին³⁶, որոնցից 99-ը՝ Ռուսաստանի, Անդրրկովկասի և այլ շրջանների նախկին բնակիչներ, որ մշտական բնակություն էին հաստատել Արմավիրում: Փաստաթղթերում հիշատակվում են նաև պարսկահայատակ հայ առևտրականներ, որոնք կասպիական առևտրի անկումից հետո Հյուսիսային Կովկասի վրայով առևտուր էին անում Ռուսաստանի կենտրոնական նահանգների և ասիական երկրների միջև:

Լաբինսկի գավառի ատաման, գնդապետ Սավիցկին իր զեկուցագրերից մեկում Արմավիրի առևտրի ու առևտրականների մասին գրում է. «Շրջեցի ամբողջ Լաբինսկի գավառը և տեղեկություններ հավաքեցի Արմավիրի առևտրի ազդեցության ոլորտի մասին, որ նա տարածել է իր շրջակայքում և այդ բոլորը անհավատալի ընդարձակ թվաց ինձ: Անթիվ առևտրականների հետ միասին, որոնք ապրանք են ձեռք բերում հիշյալ գյուղի մեծաքանակ պահեստներից, տեղի ամբողջ առևտրական դասը առևտուր է անում Լաբինսկի, Լոպկոպի, Կովկասյան և Բատալպաշինսկի գավառներում, իսկ «կարմիր ապրանքները» Արմավիրից գնում են Եկատերինոգար, Ստավրոպոլ, Կավկասկայա ստանիցան³⁷ և Դոնի զինվորական մարզը: Այնպես որ, վերոհիշյալ ապրանքների առևտրով նույնիսկ Դոնի-Ռոստովը չի կարող մրցել Արմավիրի հետ»³⁸:

XX դարի սկզբներին Արմավիրը Հյուսիսային Կովկասի զարգացած առևտրական կենտրոններից մեկն էր և իր առևտրական շրջանառությամբ բնավ չէր զիջում Ստավրոպոլին, Եկատերինոգարին, Վլադիկավկազին: Մեծ էր Արմավիրի բաժինը հատկապես արտաքին առևտրում: 1899 թ. տվյալներով, հացի առևտուրը իրենց ձեռքում կենտրոնացրած Արմավիրի 12 ձեռնարկությունների զրամական շրջանառությունը կազմում էր 2 707 389 ռուբլի՝ 86 359 ռ. եկամտով³⁹: Հացահատիկային կուլտուրաների և արևածաղկի յուղի օրական առևտուրը Արմավիրում նույնպես հսկայական չափերի էր հասնում. Արմավիրի բորսային կոմիտեի տվյալներով վերոհիշյալ կուլտուրաների օրական առևտուրը 1910 թ. կազմում էր 50 000 ռ.⁴⁰:

Ընդհանուր արտադրանքի առաքումով, XIX դարի վերջերին Արմավիրը մարդում 3-րդ տեղն էր զբաղում՝ Եկատերինոգարից և Կավկասկայա ստանիցայից հետո: Այսպես, եթե առաքման նպատակով 1895 թ. Արմավիրի կայարանն էր ընդունվում 5 507 176 փուլ ապրանք, ապա Եկատերինոգարում՝ 7 625 700 փուլ, Կավկասկայա ստանիցայում՝ 6 380 734 փուլ: Ինչ վերաբերում է ներմուծմանը, ապա այս տեսակետից Արմավիրը զիջում էր միայն Եկատերինոգարին և Նովորոսիյսկին. Արմավիր ներմուծվում էր 3 041 588 փուլ ապրանք, Եկատերինոգար՝ 4 794 113 փուլ, իսկ Նովորոսիյսկի՝ 3 057 044 փուլ: Արմավիր ներմուծվող մանուֆակտուրային և արդուղարդի ապրանքները կազմում էին 2 332 963 փուլ (Եկատերինոգարում՝ 2 918 112 փուլ), երկրագործական մեքենաները և գործիքները՝ 88 260 փուլ (Եկատերինոգարում՝ 34 322 փուլ)⁴¹: Արագ տեմպերով աճում էր արտաքին առևտուրը:

³⁶ ГАКК, ф. 449, оп. 2, л. 1826, лл. 33—106.

³⁷ ներկայիս՝ Կրոպոտկին քաղաքը:

³⁸ ЦГИА Груз. ССР, ф. 13, оп. 23, л. 133, л. 29.

³⁹ ЦГИА СССР, ф. 1090, оп. 1, л. 133, л. 29.

⁴⁰ նույն տեղում, ф. 1276, оп. 9, л. 227, л. 87.

⁴¹ ЦГИА Груз. ССР, ф. 13, оп. 23, л. 1332, л. 5.

1908 թ. Արմավիրից արտահանվել է 12,5 միլիոն փութ ընդհանուր արտադրանք, իսկ 4 տարի անց՝ 16 միլիոն փութ⁴²:

1913 թ. տվյալներով Արմավիրի ավրանքաշրջանառությունը (արտահանումը և ներմուծումը) կազմում էր մարդի ընդհանուր ավրանքաշրջանառության 38 տոկոսը, ընդ որում, արտահանումը կազմում էր մարդի ընդհանուր արտահանման 38 տոկոսը, իսկ ներմուծումը՝ ընդհանուր ներմուծման 47 տոկոսը⁴³:

Արմավիրի առևտրա-արդյունաբերական նշանակալի դարգացման մասին է վկայում XX դարի սկզբներին քաղաքում վարկային հաստատությունների, բաժնետիրական ընկերությունների, առևտրական բանկերի և այլ հիմնարկությունների հաստատումը: 1910 թ. իր գործունեությունն է սկսում Արմավիրի ավրանքային բորսան, որի կոմիտեի նախագահ է ընտրվում Սերգեյ Մխիթարովը⁴⁴: Մեկը մյուսի ետևից բացվում են Պետերբուրգի խոշոր բաժնետիրական բանկերի բաժանմունքները:

1913 թ. տվյալներով, Արմավիրում գործում էր 38 առևտրական ընկերություն, 25 առևտրական տուն, սիտական բանկի մեկ բաժանմունք, 12 վարկային հաստատություն, որից 4-ը՝ փոխադարձ վարկի ընկերություն⁴⁵:

Այսպիսով, էթն մինչև XIX դարի 80-ական թթ. Արմավիրի հաջնական դադիթավարի տնտեսական կյանքում տոն տվողը եղել է առևտուրը, աղա դրանից հետո և հատկապես դարավերջին Արմավիրը դառնում է ոչ միայն առևտրի, այլև մշակող արդյունաբերության կարևոր կենտրոններից մեկը Հյուսիսային Կովկասում:

ТОРГОВО-ЭКОНОМИЧЕСКАЯ ЖИЗНЬ АРМЯНСКОГО ПОСЕЛЕНИЯ В АРМАВИРЕ (1839—1914 гг.)

Л. А. ПОГОСЯН

(Резюме)

Удобное географическое положение и почти полное отсутствие крепостничества в Армави́ре и в области, некоторые экономические привилегии, данные коренному армянскому населению, способствовали торгово-промышленному развитию города. Благоприятные экономические условия позволили сосредоточить в Армави́ре почти всю торговлю края. В Армави́ре сформировалась армянская торгово-промышленная буржуазия. В конце XIX в. одно за другим открываются акционерные общества Тарасовых, Аведовых, Унановых, которые берут в свои руки не только производство, но и торговлю мануфактурными товарами, подсолнечным маслом и т. п. Армави́р отличался развитой внутренней и внешней торговлей и считался вторым городом на Северном Кавказе после Екатеринодара (теперь Краснодар).

⁴² Մաշտոցի անվ. Մատենադարան, կաթ. դիվան, թղթ. 238, վաթ. 88: Տե՛ս նաև՝ ЦГИА СССР, ф. 1276, оп. 2, д. 109, лл. 63—65.

⁴³ «Доклад биржевого Комитета о деятельности Армавирской Товарной Биржи в 1923—1924 гг.», Армавир, 1926, էջ 33:

⁴⁴ ЦГИА СССР, ф. 1276, оп. 2, д. 109, лл. 63—65.

⁴⁵ ЦГИА Груз. ССР, ф. 13, оп. 2, д. 470, л. 191 об.